


沅陵縣誌

卷十末



沅陵縣志

卷之十

湖廣辰州府沅陵縣知縣即廷樾修

教諭張佳晟編

藝文志

按辰之罹兵燹也最久其蹂躪于順治戊子以前者已不可問乃癸巳復陷黔賊丁酉始歸版圖而康熙甲寅後益以七載之格鬪金石俱泐井廬餘燼不啻秦燄也諸名人著述絕無遺本可錄四方遊士題詠亦無從訪問

沅陵縣志

卷之十 藝文

今採之短碣敗楮故老遺聞與得之他志乘及近人可登者彙爲藝文其亦不足于文也或曰祝融氏淳耀敦大光昭四表鶉尾之精實爲之鶉尾位于巳辰亦巳之纏次何獨啻于文事乎夫非其光之不耀也時適然也抑或鬱之旣久必且發之日盛未可知也因綴其粗備者列爲下卷

唐先誠雲在亭詩序

闕士琦桃源人

唐子讀書山中迥絕塵鞅有亭聳然而高廓然而虛松竹屏列歲時悉備而獨所謂雲盤山者挺然峙其前予因名其亭曰雲在古人多以在喻學國風三星在天蘇子人影在地在之爲義逍遙容與忘情去來而不滯於物諸葛武侯澹泊明志寧靜致遠斯謂之自在董仲舒正其誼不謀其利明其道不計其功斯之謂自在世人如不自勝子子然曰才是烏知所謂在之義乎唐子靜對書史不屑外事蕭然門徑此一沅陵縣志

卷之十 藝文

二

出而萬物不可奪之概也足爲茲山主人矣唐子能詩與予賡和不衰予嘗評以幽響清絕恍疑濯魄於冰壺蓋其先人事王文成之學雅有源流故知雲出而雨天下亦如是

送張晉天之沅陵廣文序

檢討 金德嘉 廣濟

康熙甲子鄉舉第六人張君晉天赴禮部試余時承乏史官於邸第下榻延之發其行篋得課義可五百篇揣摩亦旣就矣榜放不第從余步天壇過其土父雪巔公公車僦屋處相與欷歔太息久之雪巔之北

征也蓋與先太史同研席云雪巖下世孤子讀父遺書學成顯名江漢間貢上春官歸輒不仕纂著藕灣集鄉里所稱日菴先生者也有四男子皆世其家學而晉天行二念家學蘊積久其發也當有所見於世循例乞得廣文一官志未嘗不在西清東觀間也居亡何邸報至得辰州之沅陵行有日余按沅陵今辰郡附郭邑出晉經示之史記秦遣司馬錯攻楚黔中拔之置郡漢馬援至臨沅擊破諸蠻建武二十五年宋均受羣蠻降而後武陵無事唐景雲中增置都督

沅陵縣志

卷之十 藝文

三

府于辰州宋熙寧中章惇經制荆湖拓取羣蠻地而澧朗之患息焉明初蠻寇竊發朝廷命胡大海討平之由斯以觀沅陵于湖以南險塞要害亦從來用武之地歟乃其文教之興則自宋均始矣先是俗不知學而信巫鬼均至立學校禁淫祠沿習丕變詩書之澤歲月濡染至明萬曆中而滿太僕以直諫名臣興於麻陽沅陵固麻陽隣壤也我

國家教化淪浹至於薄海罔不同文矧茲地乎小酉山一名烏速石穴中舊嘗揆出藏書試往觀焉安知不

有好事如汲縣畊人者乎署冷多暇篝鐙讎校之昔
司馬子長一浮湘而才思飈發學人文筆之助得諸
山水爲多越二年歲在癸未郡國孝廉偕計鱗集長
安有提鉛握槩聲藉甚于公車者必沅陵廣文也夫

北洛山頂南憇堂記

丙申

唐之正

里人

春月小艇載來滾入溪裡山川雲物風土一殊溪中
人卜山頂一屋以居予鳥鳴於上水流於下蒼蘿翠
壁之影拂於蓬戶而漁於溪者放歌汀渚往來如畫
予曰可以休矣陶栗里悠然見南山孟襄陽南山歸

沅陵縣志

卷之十 藝文

四

敝廬此處差足彷彿題其屋曰南憇堂憇息也戢從
來之勞困而息於斯也嗟乎予十年間瑣尾流離蜂
辛蓼集或一歲數遷一月數遷一日數遷每至平生
未至之地交平生未交之人加以寒暑飢渴之苦疾
痛生死之危刃橫於頸火烈於膚如倦飛之鳥欲托
無枝豈復計所謂南憇堂哉予嘗書堂上曰幽棲雲
嶺車聲息退作山人道味淡庶幾幸憇斯堂乎然予
近居洛中二年曾爲寄軒爲遯窩爲園隱堂而予已
不能有矣又烏仔南憇堂之爲予有也作詩曰南山

山裡隱浮踪酣睡蒲團萬有空巖竹幾竿堪住客扶
筇常得上高峰偶然言之未免有情羊叔子登峴山
云百歲後猶應戀此使予得老於南憇堂日與溪中
人煮石烹鮮行歌互荅消卻十年窮愁是造物者之
厚予以丘壑也予不卒有南憇堂乎故再揖山靈而
爲之記

明月巖記

唐之正

桃源而西至於伊川其山皆阜坦邈迤獨明月巖峙
立諸山近在水平予唐氏族處於斯先副憲公堦發

沅陵縣志

卷之十 藝文

五

先侍御公子中碑記詩文咸推此巖崇禎間老僧衝
雪坐巖上三日夜旣乃率唐人建閣抉土鑿石得破
鼎敗礎古之遺物當時必有故剝又得刀劔壞鐵相
傳古人避秦於此環巖皆水水爲月池池後出山山
與巖夾架石橋橋下澄潭老木綠影青陰助其幽險
巖上仄徑紆折徑底有泉石覆泉上水流石中潺湲
作響客之汲水烹茶於泉次者茶煙縹緲每與雲接
老僧鋤其偏隙藝菊種蔬亦如洞裡桑麻別有世界
也羈人遊子多留紀載予恒思勒石橋上並刻集一

卷藏諸山巔更長此巖之勝予友馬天麟欲鑄鏡一丈懸以爲月此又異於詩文歌咏之事大猷期以洗癸山川耳進五里爲明月山有鎮武舊殿鐘聲聞於巖上或曰巖之腰有巉巖澧石也飛而至其說不經俟好奇者核焉

修儒學泮池記

張佳胤

古之學曰辟廱曰頌宮皆從泮水起義也采芹獻馘於以觀禮樂兵戎之典所係亦綦重矣考其制頌規如半壁貯清瑩之水以蹙漣漪之波鳳蛟騰起又土沅陵縣志

卷之十 藝文

六

風之是覘也甃以虹橋周以闌干士子始入黌宮者歷橋而上曰遊泮故凡州邑學宮必先釐其制焉沅學之泮池自明末圯頽且六七十年而窅窪之水汨汨然不竭似靈貺可挹也佳晟初至不禁心縈神惘者久之越一載乃得與邑侯 卽公商爲修復之舉因約諸士子各視其長而分司之無不肅厥職者于是鳩工採石斧鑿旣施畚鍤如雲不兩月而橋植於中堅壁圓干四至矣淤泥盡去泓水澄潔宛然一明鏡玉壺之在望也是秋武闈莫子非鰲遂列高榜諸

士子咸色喜曰斯泮水之兆也池成而鰲飛將必有大魁焉以爲吾邑光可無紀其盛乎晟拜手而言曰泮水之頌首章曰思樂泮水薄采其芹魯侯戾止言觀其旂言君公蒞泮之盛也六章曰濟濟多士克廣德心言多士期望之厚也今之泮水可樂諸同人之志也抑予之厚望也乃勒石以記之工始於康熙之壬午六月洎八月望告成約費六十金皆 邑侯卽公與佳晟暨諸生捐助焉

純一堂記

知縣 卽廷榭 襄平

竊嘗稽古君子矣居官則矢忠誠處家則篤孝友無不期此心之克盡也心盡而後可漸幾于純純則未有一者頌美文德以純九經之行以一義大矣哉我先大夫以純一名堂其意固甚深也先大夫別歷中外自刺渾源至節鉞山左所在皆有聲績猶恐此心之不克盡因額其堂以純一及年將衰也誠諸子曰吾歷官數十年艱難險阻備嘗之矣 國恩未報惟兒曹勉諸予時年少不解趨庭奉教然而家門雍肅官署清謐之意猶能一一識也長而聞之諸伯兄

曰人生之律身接物惟一心耳寧朴勿華寧真勿誕
寧靜正而勿佻達寧含容而勿刻覈將以對天地質
鬼神而不敢違父祖之訓吾家以純一名堂此物此
志也夫至出而縮符昔人以清慎勤爲官箴要訣若
趙清獻畫之所爲夜必焚香告天司馬溫公生平無
一事不可告人則盡忠補過庶可進退無愧乎憶癸
丑冬都城有奸人糾聚者先大夫覺察立擒之予欲
列疏上先大夫譙讓曰擒賊臣職也何功之有而喋
喋分疏爲其忠悃之純一卽皇天后土可鑒也予唯
沉陵縣志

卷之十 藝文

八

唯心志之不敢忘後諸伯兄馳驅王事而予亦筮仕
楚之沉陵兢兢焉恐不獲上承家訓欲建一齋懸純
一額以紹先志而儆予夙夜未及舉行適四家兄膺
浙藩司

今上南巡問及先世堂名荷蒙 恩寵

御書純一堂額及清慎額賜臣廷極分賜諸弟兄以示
交勉於是臣廷榷欽奉

恩綸望闕拜瞻摹鐫精工懸清慎

御書大堂純一

書內堂一時仰觀者莫不以爲榮從而咏歌之獨念
臣廷榘以固陋之姿具官九載日苦繁劇之莫展繭
絲保障愧無一能亦何其負父兄之訓多也如謂此
心克盡可對揚

聖天子之休命竊惶悚滋懼雖然

君恩之寵渥家訓之諄復敢不矢之夙夜而思盡忠補
過以期內省無疚淡有味乎純一之義哉因記其事
而書之非以紀榮亦以志儆也

遊小酉山記

張佳晟

予昔聞藏書之富咸稱小酉云心竊慕之後考天官
家言鵜尾位於巳以填楚南是謂祝融淳耀惇大光
昭四表楚南固文明之區也夫巳與辰連辰與酉合
故酉山在辰先代藏書其亦與府之菁英乎辛巳夏
予來辰郡輒心喜得搜逸帙無恨湘東也及詢之士
人以爲蕪穢滿目不足煩謝屐心又疑之一日馬子
蔚田過予言詩予曰小酉何似足發奇思否曰未也
爲之詫然起而訂詰朝之行策兩騎去城西二十五
里而至則鳥速之濤雪天半幽响如鐘磬不絕下馬

少立挽舟灘頭望鳥速一帶平巒斷岫村火百家雞
犬桑麻悉可數未半渡舟子指曰巖在樹間洞在巖
半其巉石峭壁溜痕如乳滴予掘衣直上扶兩童道
荆棘中無逕可尋乃命童披荒翳前旣抵巖返報曰僅
得一石龕莫問藏書矣予悵然而返遍呼田父訊之
曰洞閉久矣旣而曰相傳數十年前尚有避兵洞中
者不知今何闕也異哉奧府之菁英其爲吾二人靳
取于是縱目遠睇覺山川之逸致煙霞之餘瀋崆峒
靈怪觸人心緒口吟詩二章返舟東上爲盤龍山山

庵老僧揖而前云荒翳如斯二君何獨至也予笑頷
之藝酒同酌不覺夕陽在山林煙削峙遂買舟順流
而還予考典故小酉藏書皆秦人遺跡大都類桃源
幻境或傳穆滿巡幸藏書於是者說近誕今辰之人
止言二酉妙華不言有小酉夫大小酉並稱大酉在
辰溪小酉在沅陵圖史載甚悉何未之辨也逾月烏
速余子來曰洞在巖之上石穴宛然稍入則莫知矣
右藏書篋可坐六七人側日記巖志藏書之由字磨
滅鮮讀者俗傳二酉非也洞名妙華不知始自何人

先生能再往乎固當導而周覽焉予輒然笑曰予願也請俟他日無負子約

辰太守劉公祠記

教授 魯應才 黃陂

公諱應中號雅菴古趙人歲庚申公膺簡命來守是科初蒞學卽議遷學宮後得舊衛地捐金鳩庀歷兩載而工告竣丁卯卒於官越癸酉之冬予赴郡學任進謁文廟重門洞啓氣象堂皇桂栢亭亭殿廡整飭多士進而言曰此前任郡牧劉公之手創也當是時軍興旁午羽檄紛馳公獨崇學校捐囊橐三千

沅陵縣志

卷之十 藝文

七

金以構此宮嗟乎功誠鉅矣哉是宜立祠以志公功予曰睹河洛而思明德厥功可忘乎無何而歲且屢易矣諸生又進而請曰舊學之旁齋舍尚存願建爲劉公祠吁此予與多士平昔之素心也盍亟圖之於是趙子上賓黃子道恒張子國譽杜子大章請之郡守旣允所請予出囊金爲多士倡多士咸踴躍捐貲因其舊而新之棟宇垣墉望之屹然顏其額曰劉公祠嗟乎公以興學爲首務公心之不能自己者也旣歷十有餘年矣而多士獨念公不忘亦士心之不能

自己者也夫辟雍鐘鼓之化昔人歌之後人思之其
深入人心者千古如一日今公之勝舉自足千古則
是祠也固將垂之千古所以表士心也卽以存公心
也寧第報功也哉予因畧其詞而記之於石

舒溪記

潘亮淵 里人

辰由大江而西五十里爲舒溪水清而可漁草木森
蔚林壑皆靜入是溪者躁念盡釋可以樂飢而情暢
也又舒舒也非熱中者之所居也沿溪進十餘里兩
岸皆石山中空而爲洞者六七其大者可容數萬人

小者亦容數千人其層者若樓壘者若室似有神營
之不可勝窮或曰此避秦者之所藏書也由此二十
餘里有石傑然側立溪旁者金華山也前一徑僅可
容足緣竹枝登其巔極目遠望意甚悠然又六七里
名三陽巖上有一洞人跡罕至相傳鄉人張氏過此
其後旬餘不歸家人怪之適鄰人樵於間見衣裳似急
往視之方曝日坐石上徐云爲洞中人邀至此飲食
供具如人家但忽忽若夢中二人同入洞洞中人聞不
見矣或疑爲仙也或以爲隱者也或又以爲魑魅之

屬也山下一原三水環之予客於此甚閒無事日與居人循溪行聽溪聲其洶洶然疾者若怒風驟雨其冷然徐者若味吟若操縵行至溪源見一茅屋有士竿而出因與遊詠竟日予曰此誠無懷氏之民也共約日長往來以爲樂大約由溪口進其兩山對峙而狹者爲門戶四山遠而環圍者爲墻垣廓然寬者爲堂遠然深者爲奧岐而幽者爲室林木衆而雲霞封者爲帷幕面山蒼翠而壁立者爲屏風平山高而特立可遠望者爲臺上有茂樹可休息者爲亭爲榭谷之沅陵縣志

卷之十 藝文

三

金華山記

貢士 潘勝鵬 里人

郡城南七十里。有金華山。其巔大石面數尺。夜視若金華。峻出雲漢之表。庵曰雲霧。似矣。山土薄。巖多空。洞磊落。視下不啻萬丈。巖中一洞。陰翳莫測。旁有一井。取水者。執火架梯而汲之。返則投火洞中。聲汨汨然。

不知所止或云雷藏其中曰雷公洞下半里山形如
香爐因曰香爐山巖阿中石砌小逕曲屈近五里往
來遊者甚衆乃爲廓其前樓江南客商揚立庵重飾
佛像居然寶刹也置身其頂者羣山小而蒼樹平萬
壑低而宿霧現諸郡邑城郭臚列天半燦若錯繡宵
若雲海可謂辰陽一大觀矣予庚辰秋遊其地有僧
述異事曰昨夏月登樓忽見洞中白霧湧出形如素
練繞窻十餘丈後有黑霧一團雷轟其內走舒溪大
河一帶瞬息間煙霧散鋪雷聲迅疾雨滂沱逾兩時
沅陵縣志

卷之十藝文

古

刻忽雲收雨歇一疋素鍊徐徐而回遠窻前入洞中
予曰其洞龍之靈乎宜是山之多異觀也山後有舒
溪流其下前有楊溪遶其旁兩水分流出辰河而此
峰鼎峙其中朝則樓前之煙火迷離村市津梁風帆
漁艇歷歷堪娛夜則村畔之夕陽西霞燈火數家犬
吠水聲牧歌鳥語縷縷不絕於耳洵辰陽一大觀也
因記其畧如是

辰龍關記

趙綱里人

沅溪南驛道去百三十餘里有辰龍關南通滇黔北

接金臺路入數百步其上如睥睨梁欂之形其旁如
削其隘險夾峙中一徑紆迴有石橫其口勢若門戶
往來經此者車不能軌馬不能列凡士大夫皆竹杖
步屨彳亍逶迤昔人云蜀道難難於上青天又云一
夫當關千夫莫過其斯之謂與予偶至此從最高處
徙倚四顧其山無甚土壤而多蒼藤古木茅茨翳蒼
下望直百丈羣山糾紛亂雜爭峙或立或坐或跪或
起有如衆星之拱北萬派之朝宗良久不覺心曠神
怡日將午又與父老指點昔大兵入關間道漠然徒
沅陵縣志

見翠嶺閒雲欽岑變幻父老云淒風悲雨至今猶作
鬼哭聲嗚呼此亦在德不在險之一明驗與因感而
爲之記

與馬雲澤論邑志書

張佳晟

匝月未晤朝夕縈懷悵甚比來志事已將二卷四卷
付梓人餘皆就緒憾不共足下面酌之夫修志之難
同於國史豈謏劣之才可濫膺是役奈貴邑志書久
缺過爲推謝恐遂盛舉不再然一人之短長一事之
是非方爲審擇猶多草率諸同人時來相質要非老

於典故採取終未大備如從前知名士收入文學卽
行事不少概見不忍沒其姓字使後日不知有此種
人才徒抱地方寥落之嘆今尚有疑信莫定者所當
急爲參酌也又聞土司中藏有老志書載先達詩文
甚多皆此間未曾有近趙子廉右留司未歸倘有心
人便囑其全錄以登之志庶已傳著作不竟付之烏
有亦史失而求諸野之義也豈非快事且貴邑地當
孔道輜軒題咏必多名作遍索之四方君子自有爲
一方增色者惜不暇及頃從桃源志中得樊公良樞
沅陵縣志

沅陵縣志

卷之十

藝文

六

唐公愈賢二詩清詩選內得今人遊咏詩數首概可
知矣再慮者學宮地爲營中強踞費府縣無限委折
猶不能復舊規制其如

朝廷崇重學校之意何將欲紀實每浚浩嘆至節烈一
事前此泯滅者或多今據公呈所見所聞兢兢致慎
不無知我罪我之懼此中惟足下浚悉之耳又有疑
者漢宗均宋均夬屬兩人乃綱目止載宗均志云辰
陽今辰溪也舊傳宋均爲辰陽長例不得載入沅志
然建學校興教化自宋均始當年遺澤沅人獨未泯

及耶其功未可沒其人未得入得毋飲水忘源乎抑
辰龍關西南一阨塞也其設關始末與後來攻守之
策無從滾考鑒戒何憑究一缺事舊志載明鍾譚兩
先生詩俱無甚緊要去之又覺駭人然不得不爾也
若近人佳作不多見要當載其一二其間去取亦有
難以語人者須一共商足下幸勿憚十里之遙破一
日閒過我山房詳推也蕭適生真孝子其遺行亦當
闡白來文會一節之尚未奉覽或能我諒種種管見
祈有以教我草佈不宣

沅陵縣志

卷之十 藝文

七

與諸子論學說

張佳晟

予固樗散材來鐸沅邑接諸同人見其循循有禮如
是以文字至者見其才思秀雅且誦法先輩又如是
心竊喜甚然而操觚之士半奔走衣食不克終歲潛
修有志者往往以爲恨予因勉之以學問規之以品
行慎勿謂貧寒之足以厄人也諄諄致望一以古人
是期久之見予朴誠請益者日衆昔人云相將以道
相開以顏其是之謂乎嗣有修復泮池之舉旣共趨
事又有續修縣志之役亦且力爲採訪頃奉上檄

此予夙所願望者不辭勞悴諸同人
朝夕商酌推恐予之少倦也每過慰勉不勝感嘆雖
然予之望諸同人者不特是也沅邑之兵燹頻仍文
采弗彰莫學問爲要士人之貧苦最甚習俗未變莫
品誼爲先吾夫子有曰古之學者爲己又曰君子喻
於義大都以聖賢望人羣趨於忠厚長者之道本之
弗端而徒末之務焉其以復先王之教成炳蔚之觀
不能也夫立德立功立言本吾儒分內事如明之薛
文清王文成文章事功卓絕千古二公會經遊是地

辰人之所祠祀者至今猶典型在焉而沅之盛時在
明中葉英傑輩出文章事功亦旣嘖嘖人口當其時
猶是此土物風尚也即使世變遍殊邊隅多事今且
文明益盛矣上之教育備至下之率從惟謹豈無才
學競美者而肯甘自菲薄讓能前人耶至謂土田之
不供訓言之莫具科第寥落典籍缺如亦有人力之
莫強者然非盡祛故習挽頽波于將來又何能安貧
樂道期三立之不朽也予心怵然欲爲破藩籬指堂
奧不敢自是其所見若文清之讀書錄文成之則言

皆後學津梁可朝夕玩索焉予少承先君子訓賤
弟兄有論學十議以痛懲習氣之痼蔽爲作聖之基
亦可述之以勉同人

重修梓山文昌閣引

訓導 祝伊齡 黃岡

今夫興廢成敗之故其亦氣運使然哉彼世之孕地
靈叶天星者皆神所憑依而何興廢成敗之必有其
時也予庚辰秋過浦溪訪諸士風父老前曰浦峰寺
而上四里許有梓山上有文星閣所以萃文物持風
化者也創自萬曆之四年首事者姚某當其時殿閣

沅陵縣志

卷之十 藝文

九

崢嶸灘水響應如鐘磬絲竹之聲足悅耳目怡心志
無亦山川靈秀之氣于水聲發之乎後兵火爲崇故
址依然而水聲潺湲如怨如泣求如昔日之清徹幽
適難矣是可慨也予嘆曰有是哉今文教誕敷海徼
荒服之外莫不光被山川爲之效靈風物於以呈秀
安知此地之所鍾毓不將發皇於今日復有勦盛事
者力恢舊制以繼緒前人乎越癸未秋有邑庠士姚
大濬者過予請曰梓山之閣廢久矣老父同某等首
其事幸茲方紳士復發歡喜心辦費若干金數月

將告成敢丐一言以誌不朽予曰異哉子之祖若父
後先繼美于百年之間此固氣運使然哉吾聞文昌
之神現九十餘化身司羣英命福善禍淫何地不有
茲之燬閣輝煌固知天星炳映神所憑依矣倘仍其
山川靈秀之氣人文蔚起而民安物阜不將歌頌聖
治于不衰耶予爲序其畧于此至若場工庀材首事
者當載筆記之

蕭適生遺行紀畧

馬上彥里人

歲戊子余避亂歸寄居白田村舍與蕭子適生望衡

沅陵縣志

卷之十 藝文

三

而處余時年少性疎懶蕭子性惟謹落落不合辛卯
科試適生索予試卷大爲嘆賞始訂交焉自此析疑
賞奇無虛日矣壬辰黔兵陷城文武官同日殉難有
虛名臣分鎮辰州竟暴淫虐人人惶怖乙未下攻常
德虛名臣死兵潰歸辰有將王姓者至白田頭住蕭
適生家時李生挺秀子媳先寄居其宅王窺姿色意
欲犯之適生乃黑夜翼李氏子媳潛逃王忿憾日加
凌辱適生身受不惜也嗟乎微蕭生其何以全婦節
乎且不顧其身以護人之厄真義舉也余知之甚悉

每爲造生稱道不置丙申秋大兵至黔兵遁去百里
內外無不被殺擄者時造生身阻江南母弟在江北
走匿後山遭掠竟繫母子去余亦舉家罹難後大兵
回常德余父子陷營中造生棄妻子亦隻身奔武陵
踪跡其母弟旣得見莫能贖回日夜號泣哀請有中
軍官孫姓者憐其孝行慨捐十餘金然猶未濟也遂
爲代募衆皆感助造生得贖母弟歸行哭城市泥首
百拜謝孫公之德余亦目擊其事黃德孚爲立孝子
傳至其全李氏婦節一事又德之不可及者惜未表
沅陵縣志

卷之十 藝文

三

著茲因重修邑誌學博張晉天先生以良史才遍訪
遺行悉爲傳記余追憶造生之事次其畧以入誌夫
余年八十餘矣傳故友五十年未傳之行亦以後處
者不得辭其責也

山川形勝圖說

黃道恒 里人

舊志云沅之爲邑萬山疊聳千水交流其源委莫悉
也考縣治自岷山發源北一支爲衡山盡於洞庭之
西西北分嶺山經永定衛越天門山北一支爲桃源
縣又北東一支爲沅之池蓬司西一支爲永順土司

正南一支突起高峰名夜火腦六十里至大蘭山五
十里至金竹寨山勢稍伏左水出滾溪右水出明溪
又四五十里至白巖界起高峰諸山蜿蜒逆上折入
桐木山爲府治其右一支爲飛霞山城隍廟踞焉下
山麓雲根爲縣治其左一支自演武場入城爲天寧
山有古報恩寺逆上爲鶴鳴山有元妙觀山麓一建
縣學一舊衛署今建府學又右一支爲虎谿山有陽
明書院古龍興寺則西關也酉水經其西又左一支
爲社稷壇下有三晤寺則東關也辰水出其東郡城

山川大畧如此至東南諸山自黑尖峰走土凹右水
出怡溪入大河左水出藍溪西流百里入大河自大
峰逆走百餘里前拱辰城曰客山又自聖人山走播
鼓坡與激浦界中有金華名山再迤邐而上爲船溪
驛有玉華仙洞名人遊詠石刻最富諸水入大河諸
山皆逆行自東而南起文筆峰雙薦峰天馬峰者概
曰洪山作縣前遠案又東一支亦自黑尖峰走辰龍
關萬峰插天峭壁數里丸泥可封真第一阨塞地又
百餘里聳壺頭山於河之南岸爲馬伏波駐兵之地

其北岸卽清浪灘波濤洶湧鄉人感將軍威德立廟於上與壺頭對峙往來舟楫遷客騷人多所題詠又爲水行第一阨塞地然昔人所稱五溪者名不一西南之水自貴筑諸葛洞發源合沅靖黔麻澂辰瀘諸水匯郡城兩岸皆峭壁奇峰如辛女白龍諸巖鄉人多嵌小飛樓於洞壁間以避兵其景如画西北之水自酉陽發源保靖土司過會溪卽舊下溪州五代馬希範立銅柱以鎮諸蠻宋章惇建會溪城下至烏遠合酉水出縣治前而五溪水皆會其大畧又如此獨

正西一山從苗地丫角山來左爲高望山蓮花池灑溪拱辰營與苗功旗冲旗接壤功冲二旗苗中狼籍者也居民設八都十里習戰鬪藏器械以防苗苗亦揖服儼然西南一保障賢令宰往往加意拊循要亦因勢利導焉耳其右跨瀘溪起大朝山爲浦市地平行商賈鱗集村市甲諸縣中一支從正西拱辰營至石崗界山勢峭聳至小酉山有洞曰小酉曰藏書篋昔傳秦人藏書于此以爲美談又云善卷先生之所隱居也每當風日晴和霞光自洞中出環遶山谷

如海市蜃樓沅邑名山惟此爲勝按辰諸屬皆居上
流而沅之山水實爲關鎖卽未保二司亦在北河山
中沅又其水口也夫以醞釀於一方者收菁華於千
里其形勝亦云美備乃滇黔挾之爲門戶常岳恃之
爲保障時平則苦衝煩時危則多傾側此非水險山
峻之爲患而西南地勢較異故綢繆之計視他郡倍
切也况風俗之朴茂古人有稱美之者教養兼需無
乃守土之急務乎至於苗蠻逼處騷擾搶掠雖類疥
癬亦久安長治之所必計者也茲詳其形勝備後人
沅陵縣志 卷之十 藝文 詩
觀覽焉

祭吳大姑文

辰州知府 李慶祖

嗚呼準今酌古貞烈難名貞以著烈烈以完貞其姜
矢誓羅敷彈箏黃鵠興味孤燕載廢毀容封髮斷臂
剔睛節烈不一青史攸稱恭惟大姑節本性成松筠
呈質蘭蕙分英姑年方穉早失怙恃曰嬪于顏定省
是視嗣是餘秋實命不猶良人被擄耿耿慙憂姑年
十九未諧鴛偶翁奪姑志望夫堅守勸逼多方矢志
彌剛義不妄從烈骨含香吁嗟乎大姑真風化兮堪

扶爰顧名而思義因之死其靡他寧爲婢以俟夫甘
終身於捋茶抱幽貞以鶴立傲隨波之鷗鳧願比潔
於汪洋不纖染於泥塗秉霜姿與雪骨映玉尺於冰
壺誰惡生而樂死誰重義兮輕軀誰無愧忤乎乾坤
誰克聲稱乎奕禩嗚呼噫嘻如大姑者有幾人哉其
秉天之正氣耶其鍾地之靈異耶其殆與淚竹之湘
妃同遊於千古也耶抑將與化石之貞婦砥柱於中
流也耶其神明不毀與星辰之行河獄之觀昭列俱
無盡耶抑英靈獨亘或乘白雲馭紫霞出入於青蓮
沅陵縣志

卷之十 藝文

五

碧海耶未可知也嗚呼噫嘻如大姑者有幾人哉摠
之節烈之雄數所獨鍾未字之女世尤罕逢本府行
政節義首崇爰揚爾事爰旌爾躬建坊名扁貞烈可
風遣官致祭祀典攸隆靈其不吐鑒我微衷

募修甕子洞伏波廟引

王鱗次 里人

甕洞去壺頭僅數十里許新息侯所往來信宿之地
也岸有廟舊供伏波遺址宛然土人以爲飛濤迅速
水石相搏舟檣出沒侯實主之余嘆曰自有山河以
來卽有此石有此水不自東漢時有也乃謂侯以一

助文錢于巉巖絕壑間作厲鬼行徑呼風喚雨迫人于險耶嗟乎梁松有舌蕙苴被讒有知者所同惜不意千百年下又爲此溪頭一片石復遭疑詢寃矣哉雖然上馬據鞍裹屍馬草新息之志以死事爲榮縱使厥績未成藁葬可念彼一副忠勇心肝自當上薄日星下憾河嶽迄今溪洞無蠻江流猶漢壺頭陣冷甕洞浪高侯之靈爽安知不在此巉巖絕壑間耶侯不肯覆人溺人侯未始不拯人救人則士人之以舟槁出沒乞靈于侯也固宜造僧欲新廟貌問序于余沅陵縣志

余因書此以告十方之往來于甕洞者

詩

古體

上灘行

辰州知府 朱國柱 襄平

天南有五溪開自伏波始頑山塞地生一水流如駛
水面出山峰給訝排利齒崩湍激羣石怒號聞數里
勢若沸鼎然險同航海似舟行幾逡巡榜人爲予啓
斯號甕子洞過此清浪是前途著名灘不勝屈其指
我聞駭且愕心驚顙欲泚舵樓白髮翁焚香及錢紙
雪浪擁船高百夫拽不起大呼齊着力 三字灘 空山 夫口號

沅陵縣志

卷之十詩

二十七

叫野鬼五體投地來且行復且止磴道不容足鐵繩
借憑倚恍忽惟仰臥曾未敢俯視倏焉雙櫓鳴一葉
蕩平水人牛貴達觀戒心誠多事宦途走棘林世情
悲劍米處此不知危凜凜河之涘自浮酒千觴癡腸
爲一洗

沅署歲莫

教諭 向兆麟 京山

我行五溪上飲馬谿水媚寒風吹白日山樹空鳴悲
欲濟招舟子河凍冰纍纍鵝鴈下漁梁得食相追飛
歲儉無竹實鸞鷺恒朝饑男兒不得志十事常九違

况復值歲莫，落落成孤羈。逢人強歡笑，相視寧相知。
頰憂欲銷骨，坐覺朱顏衰。仰觀塞外鴻，尚有北旋期。
亦見飛蓬根，因風還故溪。而我長鬱鬱，日夕徒裴回。
裴回亦何爲，遠游不如歸。

虎谿尋王文成公書院舊址

張佳晟

遙望虎谿上，萬樹攢雲枝。維時春陽艷，暖氣正流暉。
桃暈柳絲醉，呼我去招提。乍聞清磬響，天風下翠巖。
荒簷羅鳥雀，瓦鉢列井舂。開門瞻龍象，老僧出翠微。
指點殊級上，猶堪寄幽思。萬里龍塲客，曾此留芳輝。

沅陵縣志

卷之十 詩

三

躅儼餘慕書堂，千古巋林木。爭摩夏俎豆，歲紛披。倏
忽百年後，劫火竄鼠鴟。溪山猶未改，風雨自生悲。念
公遠謫日，讜論已昭垂。勲業日以大，微言人莫窺。如
泉隨地涌，是處豁蒙翳。誰具振興力，大道足扶衰。藉
以消兵氣，亦自安邊陲。上有晴日絢，下有清風揮。旂
常每掩映，哲人終不萎。我來長太息，撥草捫殘碑。酒
盡瞻望淚，細味當年詩。

過薛文清公祠

舊址在陽明書院內

張佳晟

明興百載後，大儒推文清。當其初誕日，肌膚如水晶。

道德以中蘊文章自夙成魏范結小友中州冠羣英
仗策登朝宁峻節卻文貞從此振風紀辰沉表使旌
本爲採鑛至累牘乞罷征其言何利溥其志何忠誠
奧義隨手錄課士惟躬行愚蒙日漸發絃歌滿荒城
莫謂邊徼僻千里留芳聲令德堪仰止壇坫望崢嶸
明山澗水間沅州有文
清書院雅化匹西京迅眺虎溪上祠
宇亦爭榮俎豆嚴伏臘碑版尚鏗鐃曰公闡理要公
實得其真况復旅寓客繼起有陽明遐方何獨幸先
後頌大名我來追芳躅榛棘已縱橫俛首拾瓦礫蹇
沅陵縣志 卷之十 詩 三九
步走狨毳愴然三歎息古道詎終傾起衰更誰望應
共此持衡

上灘行次朱太守韻

張佳晟

一葉泛洞庭浩淼窺太始直覓桃源渡奔流亦何駛
疊嶂中縈盤歆頰怒張齒積陰駕雪濤參錯數百里
但見龍蛇浮慘澹勢誰似我爲舟子戒舟子前相啓
灘洞各殊號第一清浪是礙溺不着篙礪鋒可抉指
不聞敬畏名聞者爲汗泚遙望朱薨呼紛紛索錢紙
廟門厥角崩蒼皇具拜起百夫齊牽曳願籍茲神

賈勇功自高訶此何曾止行行過虛壁垠堦暫徙倚
篙師重歎嗟搔首一回視襟披喜當風目眩怯指水
始知歷險艱坎止慎所事何當酬百夫醜酒再給米
獨悲遊子意迢遞滯江淡快讀上灘行雙耳徑如洗
灘一名
敬畏

小酉洞

沈汝琳里人

谷瀏漭洞烟寒光自相守何以碧罇中羅錯古蝌蚪
羸氏烈焰中大力負之走茫茫九有周選勝於小酉
黝折入玄冥空音自擊扣卷肘穿滴明倏啓一堂牖

沅陵縣志

卷之十詩

三

縹緗厝古苔斯可期未久爰覲洞中藏皤皤兩黃耆
一爲卻鼎翁一爲煉丹叟睥睨陶唐間萬乘等糝垢
蒲輪詣東都釋形幻蒼狗異書萃異人元氣貞橐紐
卿嬛秘寶光不罹綿蕞醜我來叩遺踪擊蕪培石缶
蒿封翳薜斑玄儀景蚺蟻丘索徒成灰睠依白雲藪
送張晉天之沅陵任
金德嘉

沅陵廣文解纜去挂席直到沅陵城沅陵昔有龍標
尉至今城尚龍標名雲樹漠漠五溪水廣文南向五
溪行茗飲坐看溪花放藜牀臥聽溪鳥聲長歌短詠

詩千首開軒下榻延諸生何人捫蘿小酉洞採取
藏宸箱籙校讐可以儷墳典寶之不啻楚白珩廣文
家世此書癖藕花陂上克閑閣雪巔上策如賈誼日
菴稽古如桓榮以此腹笥方腴味珍錯頗似樓君卿
壯哉此行增挿架熊熊光出短鐙檠有官獨冷亦不
惡俸錢龕足代躬耕况復冥摻百稱意書帶草間紉
湘蘅望氣中宵泰堦平風前月下聞蘇笙洞庭南北
六千里詞場無席容饑僮君去老夫仍無暇搯觚雜
記是西京

沅陵縣志

卷之十詩

三

巖屋

昔人避亂處

麻陽教諭舒芝生

廣濟

小屋緣巖立懸梯百尺餘俯視大河水置身於空虛
凌波構層樓蝸壁真相如有沉香舡何仙此鈎魚
古人惟鈎造故傍巖中居羊裘嚴子陵時停王者車
山水吟留別司馬何公
向北麟

三嵎嵯峨帶泉石鶴鳴嶽嶽鄰咫尺中有嘉樹茂林
鬱青葱外有谿流奔迅浪花白龍眠先生拄笏看翠
微杳靄當几席入座清音冷然來一琴一霍自朝夕
我聞政簡物始閑何況襟期似雪滌玉壺映水心庭

階行鳥迹佐郡餘閒還游刃循良聲價爭膾炙龔黃
卓魯其前身七邑佇看起凋瘠習尚旣淳古清畫有
餘適衙齋長嘯發浩歌驚人硬語橫空碧落紙挾奇
葩風流聲籍籍公本桐江古世家鳳池絲綸信赫奕
兩世湛恩逮楚人小草寧忘三春澤賤子樗散真不
材一瓠拓落羣啞啞惟公謂我殊瓌奇雞羣之窟終
高翮豈曰文章信有神應知相馬匪常格感切噓植
激青雲伏櫪驥首思鞭策朔風獵獵吹寒江天路迢
迢望紫陌安得奏賦明光宮珥筆爲味緇衣蓆驪駒
沉陵縣志 卷之十 詩 三
歌起煙蒼茫山高水長末無數噫歎欷山高水長末
無數

溪行

向北鱗

四十八渡溪

里人
成語

行人朝莫還涉此今我何爲

渡此溪寒裳濡足嗟未已憶昔履畝清豪強兼并未
除徒滋累致使維正缺常供坐令窮氓困轉徙邇者
承檄催積逋滿目凋殘盡榛枳一一哀鴻苦磬磬劬
勞孰爲集安止不合天地迄無情眼枯見骨將及髓
更聞野老吞聲言語未及終淚瀰瀰三壞則賦古常

經用一緩二良有以豈意無田更增科况復吹毛索
瘢痕今上聖明官長賢天和可召人自理我輩盡是
淳良民揭竿走險實淩恥長官溫語甚慤懃努力輸
將事耘耔扶杖願觀德化成疲癯祈緩須臾死我聞
其語三太息撫后虐仇存大旨民勞自宜念小休司
牧詎容秦越視千古誰爲元次山春陵一作具端委
後來請誦浚溪行芻蕘可采幸無鄙噫芻蕘可采幸
無鄙

北溶山巔築南憇堂以居里人之厚意也堂前得

沅陵縣志

卷之十詩

三

四景詠之

翠壁雲眠

唐之正

嶠石千尋騫歷穹表而白雲蓆之獨無蘆花
被破凍令作華胥遊然亦不讓倪迂滿幅煙
水遲人信宿但恐飛鴻驚散耳

東臯屹立俯羣巔並喜藤花帶碧竿遙望儻身疑懶
鶴幾迴哀影似頑仙避人一壑閑高枕謝客三山臥
有年多少終南夢不足野心時欲傍雲眠

寒林月嘯

唐之正

草木冥冥涼光侵野空濛獨立有聲跼然月
亦孤憤者與嗟乎豈臨臯葉脫時哉抑睂山
古雪初消也勝北窻一榻風矣

巖居薄暮恣幽眺伴客清輝浮遠照衫上梅陰露欲
濡谷中鶯杳天如笑遍零碎影逐殘花碎曳涼颺窮
晚釣掃石林間莫便歸空庭夢裡無月嘯

菊田嵐鬢

唐之正

栗里醉東籬尚荒三徑沈子蘭堦外莪菊盈
畝仲醇稱菊田者是曉看露靄霏微類隱君

沅陵縣志

卷之十詩

五

子固宜焚香修譜無五斗易也

閑裡栽花勝作宰山人部署丘園改品因茂叔得隱
逸尋不賓王亦風采澹日爲容疑九月幽蘭隔畔無
滄海種來數畝賽陶家門外輕英是嵐鬢

松嶺濤廻

唐之正

長松萬箇陰映崇崗香風偶動漣漪滌澗如
廣陵八月足濯幾斛愁也采芝歸來爲挹一
勺取松花烹之我其波臣也哉

茆亭小結倚崔嵬洗石幽窻扉未開荷葉衣縫秋不

老松林潮起雪如堆波中影漾龜蒙艇水上煙浮陸
羽材羈客幾年鳧鳥跡山居猶幸看濤迴

讀馬伏波祠內明薛文清公碑記 張佳晟

水何毒淫山何蒼茫南限黔郡西夜即堪巖怪洞壤
相錯千里蠻獠爭自攫漢代殊勳數馬侯直扼重險
次壺頭勢若建瓴前賈勇下瞰小醜釜中遊當時餘
恨志馬草蕙苾之謗那能涅梁松已敗朱勃健千秋
忠魂儼冰雪江臯祠廟列明禋歲月飄零漸失真颯
爽英姿誰貌得獨有驄使薛文清躡侯遺踪壯侯志

沅陵縣志

卷之十 詩

三五

祠下再拜長嗟喟約畧生平真如存椽筆深鐫螭頭
字客起摳衣探詭奇三百年來識豐碑御史文章波
瀾濶將軍功業古今悲胡爲志乘不載故事缺光芒
萬丈肯磨滅摩挲鈎画尚堪填嗟哦姓字馬與薛

伏波廟讀薛文清公碑記 黃道恒

五溪之水清且長五溪之山鬱蒼蒼千山萬水黔中
郡胡爲羣蠻獨披猖昔我馬公次壺頭下瞰小醜若
蜉蝣宗均定變設令長儼若馬公神來遊公乃神人
挺大節蕙苾之謗緇不涅匪獨後世長企仰朱勃詣

關已昭雪洵是忠義感人心萬古蒸嘗應不絕自此
南荒慶昇平到來大儒薛文清使旌清映五溪水麩
金奏免獨知名讀公傳兮壯公志拜瞻遺像頻遙憶
刪取生平諸大節慷慨悲歌嘆無極我來登眺探幽
奇手掃蒼苔識豐碑色如積鐵沒邊旁蟲魚剝落少
人知嗟嗟河津之業久輝煌忠義自足兩垂芳細讀
詩章多感激惟有大節堪表揚詎意信史獨殘缺如
椽大筆竟磨滅椽來補入郡志中將軍是馬文是薛

二酉懷古

瀘溪 王澤霖 黃岡
教諭

沅陵縣志

卷之十詩

三六

辰陽古傳二酉山峭巖嶒崿水潺湲天地無端闢靈
窟鬼斧神工妙自然虛靈本自翕菁華漫欲藏書此
地佳訛聞穆滿曾環轍又道秦人竟作家千古薪傳
秦劫餘萬卷圖書石室居間津奚必桃源好五溪煙
景實堪娛胡今洞門已以扃藤蘿穿石秋風冷荒涼
野徑到來稀徒姿虎豹虬龍逞我欲探奇何所適赤
文綠字終秘密大酉山頭白雲澗小酉山頭水聲急
我會破浪與穿雲不見藏書空於邑

詩

今體

界亭道中

沅陵知縣 于廷弼 襄平

緩轡煙霞裡溪聲人耳涼滿衣楓葉影一路桂花香

破酒因山古敲詩幸馬良回看雲外寺千嶂帶斜陽

涉甕子洞明月菴諸灘

知州 江 闈 新貴

懸崖引纜上怒浪擊沙鳴快日峰纔過娛情石又生

疎林幾屋出幽澗一橋橫逸興為謳發塵勞覺頓輕

冬日登鳳凰山

向兆麟

沅陵縣志

卷之十詩

三七

共有登臨興招攜得得來寒風吹絕壑白日澹高臺

緱嶺空相憶鳳凰安在哉祇令詞賦客遙想謫仙才

月夜泊白龍巖

向兆麟

扁舟當晚發真似汎滄溟岸月欺霜白江燈入水青

圓沙喧鳥語怪石帶龍腥孤泊情難遣長歌對醪醑

晚行楊溪

向兆麟

片石孤雲外長松古道間暝煙初出水返照欲銜山

文酒消羈思風塵老壯顏篝燈通比屋姝媿野人閒

即敬思明府之先世歷登仕版名其家之堂曰

純一荷蒙

上南巡時

御書純一堂額賜其令兄浙藩司及諸弟兄以增寵
光既獲拜瞻摹懸沅署內堂作觀者喜為志盛

張佳晟

西京傳萬石誰不羨躬行忠藎推純一旂常列弟兄
天顏時共喜宸翰倍爭瑩方信恩波近花封報政
成

五雲多處望百里荷恩時如接趨庭訓真堪退食思
沅陵縣志

卷之十詩

三

紫綸標世業清節畏人知惟有結毫士感懷味素絲
和 潘勝鵬

琴聲遍楚徼雅化已風行純一心如玉箕裘弟與兄
龍光堪表節冰雪自生瑩百里情還洽求寧頌厥成
憶昔傳家範湛恩非一時自天分寶翰鎮日儼書思
光滿龍蛇動風清琴鶴知 王言以其慰下里聽如
絲

和

趙綱

不辭荒徼遠仙令此中行遺澤荷庭訓分恩繼伯兄

紫綸傳世重皓月映庭瑩偏喜
聖旨下潁川政已
成

煙雲生画閣疑見揮毫時
閑得鳴琴意望來柱笏思
寸心常自信清節獨
君知還許騷壇興長歌誦素
絲

和

黃道恒

信知勳業舊百里自風行家訓垂今古
恩綸通弟兄純臣堪濟美一德倍精瑩
宸翰頻瞻望登堂頌
有成

沅陵縣志

卷之十詩

三九

龍泉山寺

張佳晟

緣沿得古寺徒倚坐南榮
葉落泉光紫風高山氣青
前村聽鳥哢斷壑怪龍腥
爲有耽幽興歸鞭一再停
鶴鳴山房初成
張佳晟

鳴鶴山猶在閒情只獨知
茗杯成野趣梅信發幽思
月挂五溪近雲探二酉奇
小春時自得欲與話襟期
旅愁誰共遣坐我碧窻中
日曛竹煙淨鳥啼山影空
淡雲疎古木僻逕落清風
莫置先生冷高吟興未窮

和

馬凌霄

華亭

依然城市裡僻逕少人知山色搖書幌琴聲叶夢思
尊開明月冷簾捲暮雲奇瀟灑堪容膝招携獨我期
先生真好僻結隱此山中對菊心逾傲論詩眼獨空
十年餘寶劍兩袖挾清風花下常携屐能忘阮籍窮

和

祝伊齡

結廬依僻徑幽賞自能知一卷承先緒長歌寄遠思
情忘風月冷意寓水雲奇何日發清響九臯時與期
明意向萬籟恍坐疎林中會飲一尊酒縱談千古空
五溪流皓月二酉渡清風只此饒晨夕先生自不窮

沅陵縣志

卷之十詩

甲

和

黃道恒

茅堂隨意結幽興有誰知清夢憑詩賞閒情寄旅思
時看窻草綠擬探酉書奇好景凭欄眺私心賦子期
招飲情何極春卮醉此中晴光常滿座爽氣欲凌空
相對經生業同敦古處風新詩充棟富不減灑溪窮

鶴鳴山房

張錫崇

廣濟

我心何所適對此茂林中雲暖鳥聲細天清花影空
虛亭留夜月垂柳飽輕風誰識山前客長揚賦未窮

明月庵

舒芝生

絕壁危橋上悠然置梵林草侵溪水綠竹駐石苔陰
跌坐修禪客烹茗彈素琴此間真淨土何必入山深

寓浦市

祝伊齡

選勝來蕭寺同人眺浦溪心隨秋水濶目送浮雲馳
達識推先覺羣英羨在茲中行何日遠千載寄遐思

虎谿山

唐九官

高閣生幽韻登臨覽化城山增羣木秀樓納遠江明
秋色如僧靜閒雲似客行孤吟無俗侶雅抱古人情
凭欄遠寄覽煙水晚茫茫霞氣晴蒸閣花光馥映墻

沅陵縣志

卷之十詩

里

兩江波共碧萬嶺色惟蒼物外恣幽賞高歌醉夕陽

好景樓晚眺

潘勝鵬

蒼翠羣峰合登來興自悠白翻岸荻絮紅醉水花秋
碧浦青煙細晴天好日浮雲山簾外捲驚句上層樓

金華山

潘勝鵬

杖逐白雲路煙嵐一望空松杉迎野客樓閣响春風
老霧蒼巖斷晴霞夕照通溪聲百里去人倚半天中

晚渡沅溪

張錫崇

夜色千流合雙槳帶月行星光雲際濕霜影樹頭清

難急波愈濶岸懸風乍驚坐聽前舟話亦能移我情

望小酉山

張錫崇

酉山遙入望蒼色自千年洞與閒雲閉展從暮雨還
峰頭微落日嶺外响流泉爲憶仙翁在遺書竟泚然

初秋雨霽登仁山樓

朱國柱

入眼秋容分外蒼，煙描水寫不尋常。
溪沙無力隨新漲，嶺樹如薰淡夕陽。
幾許暄寒悲去日，何緣琴鶴滯殊方。
巡窻倚遍樓南北，飲興吟懷正未央。

曉發北浴

朱國柱

枕上驚聞浪拍舟，起看舟已放安流。
邊氓獨處少鄰曲，塞雁新聲多和酬。
平嶺臥雲團似絮，危磯滌水碧於油。
此來不必悲行役，要借西風解客愁。

辰龍關

朱雲渭
宜興

沅陵縣志

卷之十詩

三

溪蟠絕壁立天關，鳥道飛空不易攀。
斧鑿剛能迎數尺，車驅半欲住前山。
如臨北極星辰下，欲望南雲指顧間。
此日壺頭堪躍馬，無人重說五溪蠻。

署中偶成

于廷弼

晚衙新月瀉長天，聊以清心寄五絃。
花下詩成和露草，牀頭酒盡擁書眠。
文從遊覽增雄思，人向風塵練少年。
莫道膏梁無吏治，漫將民隱寫濤箋。

晚泊白沙

向兆麟

野鷺閑行靜不猜，水光月影共裴回。
縣知一枕蘆花

夢應勝三更画角哀剪燭題詩渾謾興隔舩呼酒盡
餘杯夜闌更向蓬窗望直擬浮家到釣臺

望明月山高閣

向兆麟

危峰壁立峙江干高閣嵯峨俯急湍絕頂雲歸宜共
宿中天月淨好同看舟過疑有仙風引塵遠惟聞梵
頃寒他日重經須記取短筇扶我上噴岏

好景樓晚眺

向兆麟

涼風吹我上高樓好景凭欄一望收楓葉紅翻殘照
冷蘆花白映碧溪流江山名勝千年郡雲樹蒼茫萬
沅陵縣志 卷之十詩 四
壑秋卻笑仲宣工作賦等閒猶是嘆羈愁

西山晚眺

唐之正

西山望處濃將澹秋日涼深晴似陰巉石水清依菼
渚遠天霞鷺落江心霜前斷雁愁羈客樹外啼猿入
暮岑一葉梧桐飄習習斜陽猶自好披襟

虎谿雲樹

張佳晟

聞道虎谿樹十圍嶺頭空憶舊雲飛依微殘影北河
水寂寞孤僧薜荔衣荒徑吟思留斷碣講堂草色伴
芳暉誰好景悲寥落極目江山是與非

又

守戎馬捷華亭

巖畔蕭森翠影圍荒簷空見野禽飛龍場客去苔煙
冷鹿苑僧攜隴月歸吟徑只堪埋斷碣講堂猶是炤
斜暉白雲縹緲悲陳跡可是當年古樹非

又

黃道恒

虎谿勝概憶當年雲樹蒼蒼猶共傳月底虬枝搖碧
水霜前老榦帶霞天杖藜每憇高人屐詩卷長留好
景篇謾說芳踪今寂寞鬱葱佳氣尚悠然

又

趙綱

沅陵縣志

卷之十詩

聖

種樹前人那可求猶聞樹底碧煙浮氣蒸西閣琴牀
暖影落飛橋溪流往蹟吟來憑古碣斷林客到坐
溪秋當年藜杖今何在爲憶山房問惠休

洪山疊翠

馬捷

軌幽長日掩柴關翠黛橫空一水間入社有心翻白
雪逃名無計買青山雨過疊嶂恣吟興雲鎖晴嵐照
客顏薄暮更須凭遠眺依微纖月趁斜灣

又

黃道恒

雲屏勢起列高天下瞰辰陽嵐氣鮮雨過峰頭爭吐

艷晴開衆壑自生煙數聲雞犬桃川近半壁東南岳
嶺連藹藹山容渾不改青葱遙映草堂前

鯨閣曉鐘

趙綱

殘月鐘聲曉閣前聲聲搖曳散晴天細翻團露林邊
滴遠放輕雲村外懸千里笳吹渾欲歇五溪流水暗
自咽披衣起向空庭望寂寞清衾誰共憐

又

黃道恒

峇峩鶴嶺曉雲低出閣鐘聲度五溪夢入浚閩同戒
旦覺來旅店若聞雞風搖天半星初落月挂林梢鳥
沅陵縣志

卷之十詩

哭

亂啼我意欲眠眠不得窻前白露冷淒淒

銅柱經霜

張佳晟

當年蠻洞儼趙陀銅柱餘威繼伏波一代霸圖存野
史五溪風物傷煙蘿標來邃谷冰霜注挂滿層巒陰
雨多信是安邊方畧在亦堪俎豆至今歌

遊小酉洞

張佳晟

烏速灘前萬疊山猶傳古洞駐仙顏依稀石壁偏餘
磴汗漫圖書自閉關一片煙霞秋樹老千年鷄犬白
雲閒於今二酉名還在踏盡蒼藤興不慳

眼底巉巖洞已荒無人寄語到仙房秦皇劫火洵堪
避善卷萍踪豈竟藏峭岸陰霾蘿逕冷孤村月照笛
聲忙當關如報採芝客不似漁郎恨渺茫

登仁山樓

張佳晟

江城漠漠來新雨桐木山頭許共留壓岸丹楓分虎
寺拍天秋水下龍洲雲中坐客堪清嘯賦裡鄉思還
倚樓不覺涼風吹絮薄村村煙火那禁愁

白田頭

張佳晟

北河岸北白田頭遙望村煙碧浪浮短樹聲聞鐘杳
沅陵縣志 卷之十詩 四
霽半山杖裡鳥嘲啁徑回石磴還驅犢沙暖春帆欲
避鷗數罷漁樵堪小隱不妨郊外泛清秋

伏波祠

張佳晟

如聞太息武溪濞報國老翁只此心古廟風高新伏
臘靈旗雨滿舊山林肯分希範千年祀猶有宋均百
里琴從此江臯頓悵望沅湘遺愛到於今

同遊鳳凰山

張佳晟

鳳凰山勢高千丈前滙五溪一線過屐底空天懸鳥
跡杖頭破衲出雲窩熒熒翠色晴峰濕晶晶煙光遠

樹多指點南荒還萬里幾回携手望嵯峨

望金華山

張佳晟

聞說金華山勢奇山頭翠色自紛披風雷慣擁老僧杖城郭細分遠樹枝窈窕鐘聲隨澗落微茫佛火照人遲何時試我摩巖腳好辦仙家大藥資

遊浦峰寺

張佳晟

結伴雲山山古寺來亦唐亦宋話餘灰到門風洒千竿竹繞檻人分一徑苔春色熒熒停客屐茶煙嫋嫋出晴埃道林已去無相識留取畫圖句裡回

沅陵縣志

卷之十詩

哭

好景樓

張佳晟

昔年藜杖虎溪頭煙樹霏霏好景樓橋半月吹千嶂碧江邊雨送一簾秋斷垣講席空憑吊古寺鐘聲欲係愁芳躅至今餘片石卻添使節話風流

時學使按試

又

瀘溪教諭

王澤霖

黃岡

虎谿樓閣碧雲巔秋日登臨景倍鮮夾岸蘆花明遠照隔簾梧影落寒泉霞翻燕子山千疊雨過芝亭月一天滿日榛苓生意盛於今都入使君篇

又

舒芝生

高樓百尺逼城隅論道今還美大儒眺望不禁來好
景凭欄長是憶平蕪芙蓉斷絕湘江遠夜月淒涼錦
瑟孤二酉晴巒連紫塞文章近代起衰無

舟過辛女崖有感

王鱗次

扁舟江上載秋多幻出奇蹤映水波兩岸巉巖驚怪
石一谿荒徑蔓仙蘿碧潭徹底魚偏遠蒼翠凌空雁
獨過停棹那尋沽酒處呼來明月與悲歌

登鳳凰山

馬捷

郭外風微趁曉寒朱旂列隊擁晴巒千尋塔影搖清
沅陵縣志

卷之十詩

巽

漢百道霞光瀉碧湍楊柳綠侵桑落酒棠梨紅映水
晶盤天南繡嶺如新沐螺髻重重入醉看

同遊鳳凰山和韻

經歷 鍾 韶 廣陵

遊人共道林泉勝結伴登臨載酒過鷗鷺輕翻春水
面鳳凰高臥白雲窩草埋幽徑塵囂遠夕照平林鳥
雀多貪坐松濤迷去路隔城煙火起嵒峨

同遊鳳凰山

祝伊齡

春來頗有登高興偶爾呼朋天半遊緩步欲邀千嶂
翠停眸堪俯一江流茶瓜坐裡遲僧話花木檻前

客愁斜日歸來山識我煙光不覺接城頭

小酉洞

唐九官

幽尋酉室到雲窩未見藏書見薜蘿
溪谷尚餘三代俗白雲遙憶穆王歌
泉飛絕壁人踪少林翳重崗鳥語
多著作使君饒異况胸藏二酉興
婆娑

北河山行

馬上彥

石徑荒涼過短岑林間花鳥亦知心
登高欲與穹天近入谷方知大地深
滴滴瀑來暗似雨層層雲遶曉猶陰
前征問有誰作伴一味蘭開香滿襟

沅陵縣志

卷之十詩

五

和晉天張先生遊鳳凰山韻

黃道恒

昔年曾眺此山阿半壁東南一望過
何處碧梧棲鳳翼空餘老衲寄雲窩
天邊春色杯前落溪上村煙樹裏多
茲日勝遊誰得似到來搶影還嗟峨

次學博晉天先生玉華洞韻

潘勝鵬

遙望靈峰遠世譁玲瓏玉洞是仙家
晴來石窟頻吞霧雨後長虹好泛槎
鐘鼓巖懸開玉笋莓苔風引落琪花
稜稜石骨如松柏突兀青天看暮霞

早春遊龍泉山

潘勝鵬

迢迢山路傍溪河一派灘聲徙倚多石徑平鋪霜
滿禪林好聽鳥音過亭前流水舟橫渡嶺外高峰雪
滿阿莫道春風吹滿袖桃花兩岸興如何

雨登仁山樓次張晉天先生韻 趙綱

桐木山頭喜共遊天邊野色一江浮入秋紅醉蓼花
岸照眼白垂蘆荻洲大壑斷雲飛遠浦萬峰細雨到
層樓凭欄風物長餘恨不覺蒼然話客愁

過鶴鳴山房呈晉天先生 趙綱

鶴鳴山上先生廬不染塵氛處士如二酉雲山供笑
沉陵縣志 卷之十 詩 五
傲五溪嘉樹寄狂疎花亭月白一尊酒竹院風清半
榻書宦海不妨林壑志何須更覓子雲居

九日虎谿山同諸友尋書院舊址 張錫崇

僻逕遙懸薄霧中偶遊山頂踏清風日光遠照溪流
碧楓葉低分古寺紅帽脫雲峰詩興穩歌來天半酒
杯空與君休羨龍山會講席當年正鬱蔥

秋日登客山 張錫崇

霜天望裡見秋風嶺上寒雲次第逢歷歷荒煙啼鳥
緩蕭蕭落木萬山空夕陽坐照楓林外旅鴈遙

澗中黃菊喜從遊客醉千年何事笑飛蓬

節烈馬氏挽詩

教授 魯應才 黃吸

貞恒矢志亦天然慷慨同歸義自全腸九回愁偏忍
餓手雙引訣倍堪憐芳心應結他生願勁骨還留不
死年料得流風能挽俗好教青史世爭傳

和

教諭 張佳晟 廣濟

節烈爭誇豈偶然一時携手竟歸全愁來腸斷何知
餓別去聲吞只自憐惟有寸心同此日已教至性付
千年真堪洒盡人間淚歎息幽芳好共傳

沅陵縣志

卷之十詩

五

和

訓導 周 晟 漢川

雙飛鸞鳳甚悠然携手同歸祇自全腸斷幾迴琴共
冷心堅如結影相憐落花啼鳥催殘夢流水行雲憶
昔年青史芳名垂不朽楚南蘄北許爭傳

節烈馬氏挽詩

教諭 王澤霖 黃吸

芳草萋萋春正長殉夫烈女獨神傷百年有誓期偕
老一日何心忍未亡餐廢那知紅粉瘦魂銷惟共白
雲忙眼前好景同歸盡獨賸丹心千古香

詩

絕句

下清浪灘

朱國柱

波聲儘向耳根忙
競說危灘十里長
兩岸雲山纜一
抹齊飛六槳下清浪

酉陽竹枝詞

向兆麟

灘高水淺石嵯峨
曳牽蠻兒裸體多
牢係船頭齊上
岸
簌簌打鼓祀伏波

絳帕蒙頭逐大儺
明燈千艘繞山阿
綠章封事詞應

沅陵縣志

卷之十詩

五

俚誰返騷魂
易九歌

丹崖齒齒石粼粼
結構漁梁據水津
看取赤鱗剛六

六先教頭尾祭江神

蒲城種樹碧青蔥
戶戶爭傳養蠟虫
翻笑農夫徒自
苦
一年生計在田中

白砂

張佳晟

三灣曲抱白砂東
數里青山莫喚風
峭壁層嵐千仞
上嵌空石屋
畫圖中

北河山行

張佳晟

龍泉山過白田頭一派灘聲天際浮峭壁黃花開不
歇涼風吹盡野人愁

秋日黃草尾閒行

張佳晟

滿溪秋色壓花枝黃四娘家隔水澹村尾村頭無底
事踏來幽韻破雙眉

歸白田居

馬上彥

子影歸來書是伴無人共語戶常關依稀往事真如
夢靜坐虛窻處處山

白田頭晚歸

張錫崇

沅陵縣志

卷之十詩

五

兩岸春風石徑斜半橋煙色是人家杖藜閒作白田
客看盡龍山百樹花